

U skladu sa odredbama člana 14., a na osnovu člana 12. Zakona o udruženjima i fondacijama Bosne i Hercegovine ("Službene novine Federacije Bosne i Hercegovine broj 45/02"), osnivačka Skupština Udruženja Atletski klub "TEMPO", Cazin, na sjednici održanoj dana 01.12.2012. godine donijela je:

## **S T A T U T**

### **UDRUŽENJA**

#### **I. OSNOVNE ODREDBE**

##### **Član 1.**

Udruženje Atletski klub "TEMPO", Cazin (u daljem tekstu Udruženje) je samostalno, nestranačko, nevladino, neprofitabilno udruženje fizičkih lica sa područja općine Cazin, Velika Kladuša i šire, koji imaju za cilj stvaranje boljih uvjeta za razvoj atletskog sporta na ovim područjima i šire.

Članovi udruženja mogu pod istim uslovima biti i pravna lica, koja podržavaju ciljeve udruženja.

##### **Član 2.**

Ovim Statutom se uređuju:

- naziv i sjedište udruženja
- ciljevi i djelatnosti udruženja
- zastupanje i predstavljanje udruženja
- organi udruženja, njihove ovlasti, način imenovanja i opoziva, trajanje mandata, kvorum i pravila glasanja uključujući i pitanja o kojima odlučuje kvalificiranom većinom, funkcija lica ovlaštenog da saziva Skupštinu.
- oblik i sadržaj pečata udruženja
- sticanje i raspolaganje imovinom
- način donošenja finansijskog izvještaja i izvještaja rada
- postupak za donošenje statuta, izmjena i dopuna statuta i drugih opštih akata udruženja
- uvjeti i način učlanjenja, prestanak članstva, kao i prava, dužnosti i odgovornost članova udruženja
- pravila za raspodjelu preostale imovine u slučaju prestanka rada udruženja
- druga pitanja od značaja za djelovanje udruženja

#### **II. NAZIV, SJEDIŠTE I PODRUČJE DJELOVANJA**

##### **Član 3.**

Naziv udruženja je Udruženje Atletski klub "TEMPO", Cazin.

#### **Član 4.**

Sjedište udruženaj je u Cazinu, Čoralići bb.

#### **Član 5.**

Udruženje će djelovati na području Unsko - sanskog kantona.

#### **Član 6.**

Udruženje ima svoj pečat i zaštitni znak.

Pečat Udruženja je okruglog oblika, promjera 30mm sa ispisanim nazivom udruženja na bosanskom jeziku, latiničnim pismom.

Znak udruženja je crveno-plave boje, okruglog je oblika. Po obodu znaka ispisan je naziv udruženja. U sredini znaka u pozadini stiliziran je atleta, kao simbol atletskog sporta.

### **III. PROGRAMSKI CILJEVI I DJELATNOSTI UDRUŽENJA**

#### **Član 7.**

Udruženje će svoje ciljeve ostvarivati kroz sljedeće djelatnosti:

- davanje doprinosa razvoju atletskog sporta na području općine Cazin, Velika Kladuša i šire,
- okupljanje građana, sportista i omladine zainteresiranih za bavljenje atletskim sportom i njihovo organizovanje radi ostvarivanja ciljeva udruženja,
- ostvarivanje saradnje sa sportskim savezima općina Velika Kladuša i Cazin, sa drugim istim ili sličnim udruženjima u cilju stvaranja uvjeta za djelovanje udruženja,
- organizovanje humanitarnih akcija, koncerata, priredaba, utrka ili takmičenja humanitarnog karaktera, u cilju pomaganja građana i djece, koji imaju potrebu za osnovnim životnim sredstvima, a nisu u stanju da ih sami obezbjede,
- organizovanje izleta u inostranstvu ili unutar granica BiH, kako za svoje članove, tako za zainteresovane građane i omladinu,
- organizovanje djelovanja prema organima vlasti na svim nivoima, domaćim i stranim organizacijama, sponzorima i donatorima u cilju dobivanja kvalitetnijeg ambijenta za razvoj atletskog sporta,
- organizovanje svih vrsta i učestvovanje u svim vrstama atletskog sporta, kako u zemlji, tako u inostranstvu,
- razvoj svijesti kod građana o značaju atletskog sporta i rekreacije, za zdravlje građana i njihovu psihofizičku i motoričku sposobnost,
- angažovanje vrhunskih sportskih trenera ili predavača u oblasti atletskog sporta, radi održavanja edukacija, seminara, savjetovanja i okruglih stolova za članove i druge zainteresirane osobe,
- obavljanje dugih djelatnosti koji doprinose razvoju i uspješnom djelovanju udruženja, koji nusu u suprotnosti sa zakonom u cilju razvoja udruženja.

## IV. ČLANSTVO

### Član 8.

Članovi udruženja su u prvom redu, fizička lica koja pored uvjeta za članstvo propisanih ovim Statutom moraju ispunjavati i uvjet propisan Zakonom o udruženjima i fondacijama.

Članom udruženja se postaje podnošenjem zahtjeva i izdavanjem članske karte ili potvrde o članstvu udruženja. Člansku kartu - potvrdu o članstvu izdaje predsjednik ili počasni predsjednik udruženja, koja predstavlja odluku o prijemu u članstvo udruženja.

### Član 9

Članstvo u udruženje prestaje:

- smrću člana
- istupanjem člana
- isključenjem člana
- prestankom djelovanja udruženja

### Član 10

Svaki član Udruženja može istupiti iz Udruženja do 31. decembra tekuće kalendarske godine, na osnovu pismene izjave o istupanju koju dostavlja predsjedniku udruženja najkasnije šest mjeseci prije istupanja.

Kao dan prestanka članstva smatraće se 31. decembar tekuće godine.

### Član 11

Član kluba koji grubo krši Statut udruženja, ne izvršava svoje obaveze prema udruženju ili svojim postupcima nanosi štetu udruženju ili narušava ugled udruženja, može biti isključen iz istog.

Prije donošenja odluke o isključenju, član udruženja mora biti obaviješten o prijedlogu za isključenje, kao i o uslovima zbog kojih se predlaže isključenje.

Članu udruženja se mora ostaviti razuman rok za izjašnjavaње o pomenutom prijedlogu za isključenje iz udruženja. Prijedlog za isključenje može podnijeti svaki član udruženja.

Odluku o isključenju donosi predsjednik udruženja.

Protiv odluke predsjednika udruženja u roku od 30 dana može se izjaviti prigovor Skupštini udruženja čija je odluka konačna.

Član udruženaj koji istupi ili je isključen iz udruženja dužan je izvršiti obaveze prema udruženju dospjele do dana prestanka članstva.

### Član 12

Članovi udruženja imaju slijedeća prava i obaveze:

- da biraju i budu birani u organe udruženja,
- stavljaju na raspolaganje svoju profesionalnu spremu i iskustvo,
- da budu obaviješteni od strane organa udruženja o svim njihovim aktivnostima i postignutim rezultatima,

- da koristi usluge i prednosti pružene od strane udruženja u okvirima određenim pravilima i odlukama organa,
- da se pridržavaju Statuta i odluka Skupštine udruženja,
- da aktivno učestvuju u ostvarivanju programskih ciljeva,
- da čuvaju ugled udruženja i njegovih organa.

## V. ORGANI I ORGANIZACIJA UDRUŽENJA

### Član 13

Organi Udruženja su:

- Skupština
- Uprava
- Sekretar udruženja

### Član 14

Najviši organ upravljanja je Skupština Udruženja. Skupštinu udruženja sačinjavaju fizička lica - članovi Skupštine udruženja. Skupština udruženja broji ukupno 17 članova, a za punovažno odlučivanje u skupštini udruženja je neophodna prisutnost nadpolovične većine (devet) članova Skupštine.

Skupština o prijemu novih članova odlučuje na isti način, kao i kod prestanka, s tim da se lica koja žele postati članovi skupštine udruženja moraju upoznati o odredbama Statuta koje govore o članstvu, prestanku i prijemu novih članova u Skupštini udruženja.

Mandat članova Skupštine je 4 godine i računa se od dana održavanja Skupštine na kojoj je usvojen ovaj Statut. Mandat naknadno prispjelih članova Skupštini vezuje se za mandat članova ove Skupštine.

### Član 15

Skupština udruženja je nadležna za:

- donošenje statuta, izmjenu i dopunu statuta i drugih akata određenih statutom,
- imenovanje i razrješenje predsjednika skupštine i predsjednika udruženja i drugih lica ovlaštenih za zastupanje i predstavljanje,
- imenuje članove upravnog odbora udruženja,
- donošenje konačne odluke o isključenju članova udruženja,
- donošenje odluke o uklanjanju udruženja u druge asocijacije, saveze ili organizacije,
- usvajanje izvještaja koje je pripremio predsjednik udruženja,
- odlučivanje o pripajanju, razdvajanju, transformaciji, raspuštanju i prestanku rada, kao u drugim statusnim promjenama udruženja,
- odlučivanje o svim drugim pitanjima koja nisu u nadležnosti drugih organa udruženja.

### Član 16

Skupština odlučuje o sjednicama - redovnim i vanrednim.  
Redovne sjednice Skupštine saziva predsjednik skupštine.

### Član 17

Skupština iz ovog sastava bira predsjednika Skupštine na period od četiri godine. Ista lica mogu biti ponovno birana.

### **Član 18**

Uprava udruženja zastupa i predstavlja udruženje. Na čelu uprave je predsjednik uprave, koji nastupa kao lice ovlašteno za zastupanje i predstavljanje udruženja. Uprava ima 5 članova i odluke koje zastupa predsjednik donosi većinom glasova. U upravi se nalazi i počasni predsjednik udruženja, koji u pogledu prava zastupanja i predstavljanja ima ista prava i obaveze, koja su jednaka, kao i kod predsjednika udruženja.

Uprava udruženja:

- priprema sjednice skupštine udruženja,
- priprema i predlaže nacrt izmjena i dopuna Statuta i drugih akata koje donosi Skupština,
- provodi politiku, zaključke i druge odluke koje je donijela skupština udruženja,
- upravlja imovinom udruženja, podnosi godišnje i periodične izvještaje o svom radu

Sekretar udruženja:

- obavlja administrativno - tehničke poslove za Upravu udruženja, osigurava blagovremene materijale za sjednice Uprave i drugih tijela udruženja, odgovoran je za arhivu i dokumentaciju udruženja. Uz prethodnu saglasnost predsjednika ili počasnog predsjednika udruženja, može obavljati poslove zastupanja i predstavljanja kod konkretnih pravnih poslova, za koje mu predsjednik ili počasni predsjednik daju prethodno ovlaštenje.

## **VI. NAČIN STICANJA, KORIŠTENJA I RASPOLAGANJA SREDSTVIMA**

### **Član 19**

Imovinu Udruženja čine prava, stvari i novac koje udruženje stiče u skladu sa zakonom i ovim Statutom.

### **Član 20**

Imovinu udruženja čine:

- članarine,
- dobrovoljni prilozi i pokloni fizičkih i pravnih lica, kako stranih i domaćih, u gotovini, uslugama ili imovini bilo koje vrste,
- državne subvencije i ugovori sa državom, javnim institucijama, fizičkim i pravnim licima, kako domaćim tako i stranim,
- ugovori o sponzorstvu,
- prihod od kamata, dividendi, dobiti od kapitala, zakupnina, honorara i sličnih izvora pasivnog prihoda,
- prihod stečen kroz obavljanje privrednih djelatnosti u skladu sa zakonom,
- prihod stečen kroz ostvarivanje ciljeva i aktivnosti udruženja kako je određeno statutom i zakonom.

### **Član 21**

U slučaju prestanka rada udruženja nakon izmirenja svih obaveza prema fizičkim i pravnim licima, Skupština udruženja će donijeti odluku o daljem raspolaganju imovinom,

sredstvima, dokumentacijom i arhivom.

Udruženje je dužno da uredno vodi poslovne knjige u skladu sa opšte prihvaćenim računovodstvenim principima i da sastavlja finansijske izvještaje u skladu sa ovim i drugim relevantnim zakonima.

## **VII. PRIPAJANJE; RAZDVAJANJE I TRANSFORMACIJA**

### **Član 22**

Udruženje se može pripojiti drugom udruženju.

Udruženje se može razdvojiti na dva ili više udruženja.

Udruženje se može transformirati u drugo udruženje.

Odluke o pripajanju, razdvajanju i transformaciji udruženja donosi skupština udruženja sa 2/3 većinom članova udruženja.

### **Član 23**

Odlukom iz prethodnog stava reguliše se naročito:

- naziv udruženja koje nastaje razdvajanjem, odnosno naziv udruženja kojoj se udruženje pripaja ili naziv udruženja nakon transformacije, kao i sjedište i adresu,
- podjela imovine, prava i obaveze,
- ciljevi udruženja nakon pripajanja, razdvajanja i transformacije,
- imena osoba ovlaštenih za obavljanje poslova u podnošenju zahtjeva za upis u registar izvršene transformacije udruženja.

## **VIII. PRESTANAK RADA**

### **Član 24**

Udruženje prestaje sa radom kada Skupština donese odluku o prestanku rada udruženja dvotrećinskom većinom glasova svih članova udruženja.

Odlukom o prestanku rada udruženja reguliše se i način raspolaganja preostalim sredstvima udruženja.

## **IX. JAVNOST RADA**

### **Član 25**

Rad udruženja je javan i transparentan. Javnost rada će se obezbjediti putem redovnog informisanja svih članova udruženja o značajnim aktivnostima Udruženja. Informacije o aktivnostima Udruženja biće dostupne svim sredstvima javnog informisanja.

## **X. NAČIN DONOŠENJA STATUTA I IZMJENA I DOPUNA STATUTA**

### **Član 26**

Statut udruženja donosi Skupština dvotrećinskom većinom ukupno broja članova skupštine. Prijedlog Statuta, kao i prijedlog odluke za izmjene i dopune Statuta donosi uprava ili predsjednik udruženja, a isti usvaja Skupština.

Inicijativu za izmjene i dopune Statuta može dati svaki član udruženja.

#### **Član 27**

Predsjednik Skupštine potpisuje primjerke odluke o izmjenama i dopunama Statuta, koji se smatraju originalom i čuvaju u arhivi udruženja.

### **XI. PRELAZNE IZVRŠNE ODREDBE**

#### **Član 28**

Ovaj statut stupa na snagu danom usvajanja.

Broj: 2/2012  
Cazin, \_\_\_\_\_ 2012. godine.

Predsjednik skupštine:

\_\_\_\_\_  
Hasib Porčić